

37.
39

FACVLTATIS MEDICAE
IN
ACADEMIA LIPSIENSI
H. T.
PRO-CANCELLARIVS
D. AVG. FRID. WALTHER
ARCHIATER REGIVS ET P. P.
PARTVS MONSTROSI HISTORIAM
ET SECTIONEM DESCRIBIT
DEINDE
PANEGYRIN MEDICAM
INDICIT

FACULTATIS MEDICAE

IN

ACADEMIA LIPSIE

MDCCCXXXIII

PRO-CANCELLARIUS

D. AUG. FRID. WALTHER

ARCHIATER REGIS ET P. P.

PARTVS MONSTROSII HISTORIAM

ET SECTIONEM DESCRIBIT

BRUNN

TANEGYRII MEDICAM

INDICIT



Equæ vero morborum tantum
periculis, pluribusque externis in-
iuriis natorum vitari formam
corporum constat; sed etiam em-
bryones, vtero licet materno
conclusi, aliquando deturpantur,
prodeuntque in lucem monstrosi
infantes ac foedi. Imaginatio-
nem, fortiolem matris adfe-

ctum, praeuiumque, tamquam accidentis rei normam
vel causam communiter accusant, crediturque, ad me-
dium vsque gestationis tempus, et ultra, vix tutum vtero
haerere infantem, vt nequeant partes complures ab illa
caussa foedari, aliaeque minui, aliae vero praeter modum
augeri; nonnullae denique distorqueri, et plures adspe-
ctu teterrimae reddi. Tam tristis, vel formae pulcherri-
mae licet humanae mutatio, ac singularis plane euentus,

quo minus exploratam, hoc longe maiorem imaginationis maternae, animaeque vim ac facultatem significare videtur; quantam nihilo minus ea tum adhibet, et vehementer exercet, cum praeter consuetas, vstratasque vnionis cum corpore leges, omnemque praeter organorum modum, tamquam liberior, sed incautus valde spiritus, vagaeque imaginationis ad normam, tenero embryonis corpori vim illa infert et operatur. Quod si enim magnam, crudelemque hanc adfectionem diuinæ potentiae prorsus adscribere nefandum putatur: tamen neque ex providentia, et quouis ordine rerum, quem ab condito quidem orbe Sanctissimum Numen sibi praefixit, saltem singulum hodie monstrum e rudimentis qualibuscunque euolui, atque prodire, nos vnquam existimabimus, veriti, ac satis certo persuasi, vt ita inuolutionum, incomprehensibiliumque rudimentorum tantus simul fingi mente deberet numerus, tantusque omnium esset veluti labyrinthus, quantus euentum singulum infinitis propemodum arcere modis post tot secula videretur. Doleamus ita mortalium imbecillitatem, minimumque eruditissimi superbiant, qui neque propriam, qua ipsi reguntur, animam satis cognoscere, et ex voto eius vires amplius explorare possunt, quam, vt ad declarandum singularia facta, vocabulum imaginationis, ideae, facultatis, praescientiae diuinæ, euolutionis, aut fati, vel aliud, quod posterius quoque fingent, sufficere illis debeat; quo tandem, vel minimum sibi ipsis ingenui et perspicacissimi viri faciant satis. Verum, nos fidei memores datae *Dissertat. de cura foetus parentum officio*, iam partus monstruosi, et hydrocephali visi historiam integre et accurate tradere hoc lubenti magis animo suscipimus, quo magis

recor-

recordari iucundum est, in singulo exemplo sic confirmata nos accepisse, quae viri clarissimi, fideque digni seorsim, et in pluribus adnotauerunt.

Ciuis in hac vrbe vxor, cuius nomen licet reticere An. 1723. primum grauida, reique perinde imperita ac infcia, mense altero puerum inuifit, variolis valde confluentibus coecum, tumore frontis, et oris, reliquaue facie teterrimum; Nostra, insigniter perterrita, manus ante oculos vultumque suum proicit, sed confestim inde se subducit. Iterum ea, paucorum inde dierum interuallo merces venditura, cum ad ingressum domus federet, puer alius, et mendicans ex improvifo intrat; et is quidem capito erat, oculis turpiter ductis, et naso plurimum depresso, labio autem leporino, quod vocant, hiant, aliterque valde deformis. Quo illa spectaculo vehementer affecta, vt in priori casu se gerit, aurem insuper fricat sinistram, puerumque inde fugientem bufonis nomine conuiciatur. Ab hoc demum tempore ista doloribus in imo ventre, et saepius quidem, grauiterque vexari coepit. Nostrum neque conicere, neque decidere erit, quantum vel omnia, vel singula, quae non ita multo post proponemus, cum alterutro, aut cum utroque adfectu conueniant. Die 30. Octobris, ad finem octauis mensis illa ad partum se disponit. Tum non foetus suo capite, sed pede vno, et genu altero ex utero exitum molitur; planta quidem pedis dextri et genu sinistro, ad nascendum aequaliter procliuius. Moderamen, quod in labore, tam parturienti, quam obstetrici adhibendum nos aduocati suafimus, cum vsu remediorum, quae molliunt, sufficere, vt hocce, licet asperiore posito, nec ita facile mutando, tandem, et satis felici nixu

*Historia
partus
monstrofi
et hydrocephali visi.*

uius nasceretur foeminini sexus infans; capitis nihilo minus, veluti abundante ac superfluo monstroso tumore, ex vtero aegre magis educto; quem secundinae, nec modicum sanguinis profluuium exceperunt. Garrientibus de monstro viso mulierculis, cognatis, domesticis atque vicinis, percrebuit eius rumor, ac plures spectatum veniunt, inter quos et aliqui in aere magistratus erant. Id monstrare pluribus auia materque reculant, et de celando infante anxii cogitant: maxime vero nos consulunt quomodo infans sustentaretur, cum sugere non posset. Mortis euentum praediximus, nihilominus tantum opitulati, quantum vitiatae, et mox percrepandae partium conditiones ferrent; quas interim omnes probe notare, imo metiri, quoties tergum darent inspectores invidae mulieres, neque negleximus. Tertio ab natiuitate die cum infans decessisset, tantum absuit, ut consequi ex voto, et conseruare cadauer possemus, ut non nisi sectionem, se famuloque nostro ac Chirurgo praesentibus fieri parentes permetterent, abhorrentes et detestati omnem picturam, omnemque rei memoriam conseruandi modum. Ipsos suspicio, et vana ignominiae, inde sibi suisque contrahendae persuasio eo adduxerat, ut, veriti cum essent, vespillonem iussu senatus ablaturum esse monstrum, vbi ad sepeliendum ei traderetur, tum iterum nos adirent, peterentque, ut totum caput, quod iam attente sectum erat, simul cum reliquis partibus vitiatis, porro, et in partes valde minutas discinderemus; nec tum hac in re superstitionis refragari potuimus, crebriore spectaculo rerum, et dimensione omnium exquisita contenti. Ea sicuti delineanda illo tempore aerique incidenda curauimus, quantum vi-

ui descriptionem cum cadaueris sectione comparare
fas est, iam breuibus describemus verbis.

Negligimus autem, tam superiores, quam inferiores artus; licet admodum incuruos, et subinde tortos tum visos, digitisque tuberosis, ac coalitis instructos; siquidem talia nasci minus rarum est. Neque etiam de corporis trunco, quippe recte figurato, quaedam monenda habemus; modo follicite de capite scribamus, et huius cum superiorem tumorem, tum mire deturpatam faciem sedulo exquiramus. Hydrocephalum A. sub vera magnitudine formaque, *Figura I.* adiecta sistit. Grandior iste tumor ante obitum infantis, et postea nonnihil mobilis ac pendens, eiusdemque cum cute coloris erat; et ipse manibus contrectatus ad molis carneaem modum renitebatur. Sphaericam porro is formam habuit, minimum quidem pilosus, nec nisi tuberibus binis, ex atro rubentibus BB ab sinistra parte dependentibus inaequalis visus; sed in vertice, et secundum longitudinem nihilominus sulco notatus erat C, qui superius tumorem bipartiebatur. Maxime dolebat infans, atque clamitabat, quoties premendo tumorem versus fontanellam, nonnihil eundem vrgeremus; quamquam de cetero motum tumoris mediocrem, et propensionem in hanc illamque partem, sine edito vagitu ille sustineret. Verum sequuntur iam ea, quae tumoris caluariaeque triduo denati sectio declarauit. Quem, cum ab utroque latere tumorem incideremus, vndique digitum minimum circiter crassum inuenimus; et ex singulo latere, librae circiter pars altera sanguinis diluti, veluti e duobus locis distinctis fluxit. Iam, sub altitudine interualli vtriusque tuberis B, non tantum perieranium cum

*Tumoris
habitus et
sectio de-
claratur.*

cum capitis communibus integumentis, praeter modum
crassis, sed ipsa pariter dura mater cum iis cohaerere hoc
loco coeperunt. Nam, paullo inferiori, et quidem fontanellae loco, illa meninx extra caluariam egressa, ab vtraque
parte subinde lacera quoque visa, mox cum illis membranis externis coaluit. Adparuit porro sectione, ac sub fissurae quidem loco C elatus retegebatur, naturali quidem
maior et crassior durae matris falciformis processus; qui proinde solito maiorem longitudinalem sinum videntum exhibebat; quippe praeter omnem modum elatum, arcuatum, et extra caluariam eminentem. Tali, tamque vitioso et ingenti septo, falcatoque processu, cerebri nihilominus intentum et bipartitum occurrit, vt diuisionis nota externa C inde pateret, et vtrinque
nihilominus relinqueretur inter cerebrum et duram matrem spatium, sanguine quidem congelato, partim vero cruore, qualis inter incidendum prouenerat, omnino plenum. Quare cerebrum intra vitiosam amplissimamque menyngeis durae cauitatem, et vndique quidem cum sectione retexissemus, tum e fontanellae loco ferme totum illud prorupisse, et sedem ab osse nudam, sed ita alienam visam, et extra caluariam sibi parasse innotuit. Erat autem fontanellae locus, solito humilior, ac magis oblongus ipse hiatus, et inaequalis videbatur. Proinde, ad fontanellae potius aemulum huncce hiatus, quae contrahebatur, mox in liberius spatium educebatur ampliorque cerebri moles, in tanto nihilo minus tumore suspensa erat; tam superius sua forma ad duram matrem, et eius processum tumoremque reliquum omnem, quam inferius ad illam fontanellae similem aperturam accommodata. Qui fontanellae locus, vitio illato praeciuoque apertus, ossis
limiti-

limitibus, non quidem illis naturalibus veluti striatis et
ossescentibus, perinde ac tenuibus circumscribebatur;
sed ossa bregmatis vel triplo breuiora, nec globosa ex-
terne et erecta, quin potius inclinata erant; simul prae
naturalibus longe duriores eorum, et ossei crassioresque
fines hiatum illum, quem diximus, vtrinque limitaue-
runt. Quorsum iam pariter ab parte priori, acclieue
atque depressum crassumque os frontis conuenerat, vt
sublimia ceteroquin caluariae ossa, et conuexa in sanis vi-
sa, formam leporini cranii, hocce in exemplo ad vs-
que hiatum illum presse imitarentur. Quorum omnium
igitur ossium non maior atque occipitis ossis, recteque
in exemplo locati altitudo; sed ad radicem vtriusque
ossis bregmatis perexigua vtrinque, ac vix memorabilis
pars cerebri in caluariae fundo supererat. Ipsum ve-
ro occipitis os, sicuti reliqua, quae modo diximus, ad cras-
sitiem et duritiem ossium infantis duorum annorum ex
omni parte acceperunt, vt neque minori firmitate, quan-
ta quidem cum haec aetate conuenit, futura lambdoi-
dea, id occipitis os, quod cerebellum naturali simillimum
exquisite tenebat, ita demum figeret ac sustineret. Quam
ob rem pulsum ex naturali sede sua deformeque cere-
brum pariter sibi compagem, pro aetatis modo minus
teneram, sed spissiore paullo adquisiuit; et ipsum in
caulem oblongum, quasi fontanellae vitioso hiatui ac-
commodatum definebat, vt tandem sicut medulla ob-
longata cum cerebello coiret, neruosque nonnullos po-
steriores intra caluariam ablegaret. Nam hos inter ner-
uos omnes, qui e caluaria prodeunt, quatuor paria prio-
ra oblitterata, et absque dubio dirupta fuerunt.

*Memorabi-
lium reli-
quorum de-
scriptio.*

Inter ea, quae faciem deturpauerant, male dispositi oculi erant, horridumque complura alia vultum fecerunt. Nam dexteriores palpebrae ab positu naturali viisque lacrumalibus alienae, et versus nasum decliuēs, valdeque deformes visae, partibus insuper longitudinis monstrosae tribus coaluerunt; sed oculi bulbum magnitudine naturali haud adeo minorem concluderunt: nihilo minus cornea, transparente ceteroquin in sanis tunica ille destituebatur oculus; qui ceteroquin sub hiatu palpebrarum exiguo illico videndum se dedit. Neque vero minus turpiter sinisteriores palpebrae ducebantur, sed ferme ex toto cum inferiori superior cohaesit; ac sub earundem, incisione quidem apertarum tegmine oculi exquirebatur orbita, dexteriore angustior, et, copiosam inter pinguedinem, delitescentem oculum, triplo naturali minorem, nihilo minus cornea transparente nitidaque, pro magnitudine oculi instructum condens atque tenens. Tantum paullo superius, et ad finem inter ossa superiora papyracea ille reponebatur oculus monstrosus, et musculis de cetero destituebatur. Vterque vero oculus suos humores, pro magnitudinis ratione tunicasque internas et iridem conclusit; tantum retina nervusque opticus, disparuerunt. Inde, in facie externa, tam dextrarum, quam sinistrarum palpebrarum decliuiumque anguli interni, cum sulco utrinque conspirarunt, qui loco nasi sedis fere consueto ab oculis ad superioris labii fissuram amplissimam descenderunt; quam non ita multo post proponemus. Inter hos sulcos dexter magis conspicuus, et amplior prae sinistro erat, tractumque in integumentis faciei, veluti secta haec essent,

sent, vterque monstrabat; vt ita ad orbitae angulum in-
 ternum difformis via pateret. Sigillatim ille sulcus,
 qui ab sinistris deferebatur, hic fere in medio tractu
 eminentem quandam, nec cartilaginis dissimilem sub-
 stantiae, ac quintuplo circiter naturali minorem aurem
 externam, sed inuersam, et inde eminentem, exemplo
 notabili exhibebat. Erant in ea omnes cavitates et
 sinus insculpti, eminentesque partes reliquae spectacu-
 lo iucundo discernebantur, quales sunt helix et anthe-
 lix, deinde concha et scapha, tragus et antitra-
 gus; ipse denique meatus auditorius singulari forami-
 ne, quod ad os vsque subiectum penetrabat, ita qui-
 dem fictus omnino erat. Inter vtrumque tegumen-
 torum faciei sulcum, quem modo diximus, iam medius
 extare nasus debebat. Nulla hic nasalia ossa, aut qui
 distincti essent et emerent ossium maxillarium nasa-
 les processus; deinde nullus vomer, nec cartilagines
 externum nasum effecerunt; ita vero fornice omni et
 naribus absentibus, ore tantum spiritum duxit infans.
 Proinde sulci, quos ante notauimus, nonnisi deformes
 nasi limites quodammodo significarunt, ac, de reliquo,
 vterque in fissuram superioris labii, deinde vero in ma-
 xillae ossis et processuum palatinorum aperturam de-
 fuit, per quam aer inferioribus locis ad ossa spongiosa
 atque internas nasi cameras ducebatur. Erat igitur
 superstes superioris labii, pariter fissi portio, Fig.
 1. L, eaque prospectum haerentis exiguae partis
 Fig. 2. F. in ore cum prohibebat, tum ex parte adnaseba-
 tur gingivae maxillarique ossi fisso O, et P Fig. 1. sed D
 et E Fig. 2. visis; scilicet ita profuberantibus hisce ac par-

titis, vt nihilo minus supplerent pro labio leporino fingendo defectum ipsius partium labii superioris qualis *Fig. 1.* literis M et N notatur. Ex quo, praeter superioris labii amplissimam partitionem etiam gingivae, et maxillaria atque palati ossa valde notabilem hiatus, sed ab vtraque parte, superstitis quidem portionis internae vomeris, exiguaeque retulerunt; qualis proinde ingressus priori oris loco C *Fig. 2.* digitum minimum pro amplitudine sua capiebat; sed hiatus ipse, suo per palatum progressu, tandem ad sedem vuulae, quae desiderabatur, sensim angustissimus factus, rimae instar, in faucibus apertae finem consequebatur. Quare in illo palati hiatus partitio quaedam in naso interno, et varietas ab parte oris vtrunque obseruabatur. Nam amplior quodammodo prae parte sinisteriore fissura dexteriori loco erat, et vtramque disiungebat ossium palati fissorum angusta, sed media sedes, qualis ceteroquin in sanis multo exquisitius vomerem figit; cuius quippe sedis pars exigua non nisi minorem vomeris partem, relictam sustentabat. Per duplicem ita fissuram, ore quidem aperto, spongiosa ossa inferiora in sensum inciderunt, et bini ingressus deletarum narium expleuerunt vices, spiritumque ad cauernas nasi interioris, et ad vtriusque generis spongiosa ossa atque fauces, in recens nato detulerunt.

Etiam si nos mechanicae doctrinae, quam fieri potest et indulgeamus, et eandem amplificare solliciti studeamus; nihilo minus sub vehementioribus animi adfectibus euenire experimur, quae tam ab solitis mechanismi et vel coniectura assequendis viribus, quam ab animae consueta vitam faciendi lege longissime recedunt; et,

et, talia in morbis subinde grauioribus, imo lethiferis
obseruari propediem luculenter docebimus, quando-
quidem dicendi occasionem dabit

DOMINVS
IOHANNES ERNESTVS
KVL MVVS,
GEDANENSIS
MEDICINAE BACCALAVREVS.

Qui Patris et Patruī, celebris apud Gedanenses, cum illo
in viuīs esset, Medicorum fratrumque parīs tam discipli-
nae plurimis quam probitatis vitae perceptis nutritus at-
que instructus, in hanc florentissimam Academiam se con-
tulit, et triennio, quod hic exegit, Artis salutaris Professo-
ribus ardorem ingenii industriamque singularem demon-
strauit; sed examine cum Theoretico tum Practico
enituit, pluraque in monumentum eruditionis Publicis
Lectionibus euoluit et perquisiuit: his vero diebus, ab
incluto Medicorum Ordine, Licentiae, quem vocant
Gradum modeste petiit. Cui honesto neque desiderio
commendatione Ordinis permotus refragari voluit
Reuerendissimus, Serenissimus atque Cel-
fissimus Princeps, et Dominus Dominus
HENRICVS, Dux Saxoniae,

*Juliae, Cliviae, Montium, Angriae
et Westphaliae, Episcopatus Martis-
burgensis Administrator, Landgra-
vius Thuringiae, Marchio Misniae
et utriusque Lusatiae, Comes Prin-
cipalis dignitatis Hennebergicus, Co-
mes Marcae, Rauensbergi, et Bar-
byae, Dominus in Rauenstein, etc.*

*Academiae huius Cancellarius perpe-
tuus, Dominus meus Clementissimus,*

et actus solennis Procancellarium me Clementissime
constituit. Quare futuro die XIX. Septembr. Disser-
tationem de spasmo vesicae, quam ipse Candidatus ela-
boravit, publico eruditorum conspectu hic noster de-
fendet, et post orationem inauguralem de vita et prae-
nuncia mortis convulsione titulos atque honores illi im-
pertire suscipiam. Quare Academiae RECTO-

REM

REM MAGNIFICVM, COMITES IL-
LVSTRISSIMOS, PROCERES VTRI-
VSQVE REIPVBLICAE GRAVISSIMOS
PERINDE AC CIVES GENEROSISSIMOS
ET NOBILISSIMOS, ad audiendam disceptationem
ornandamque sua praesentia Panegyryn officiosissime in-
uitamus. Lipsiae D. D. XIV. p. Trinit. A.

MDCCXXXII.



TABVLAE ADIECTAE EXPOSITIO.

Fig. I. Monstruosam faciem infantis atque capitis tumorem exhibet.

AA. Tumor capitis.

BB. Appendices.

CC. Diuisionis nota in sulcum minorem desinens, cuius generis sulci plures subinde in tumoris ambitu erant.

D. Palpebrae dexteriores.

E. Palpebrae sinisteriores.

F. Sulcus ab angulo oculi interno dexteriore ad labium leporinum deductus.

G. Sulcus ab angulo oculi interno sinisteriore ad labium leporinum deductus.

I.K. Auris externa inuersaque minor et aliena.

L. Portio labii superioris medio loco superstes.

M.N. Fissi utrinque labii superioris partes a latere visae.

O.P. Gingivae.

Figura II. Prospectum palati ab parte oris, quantum expedit, videndum praeber.

C. Ingressus Fissurae ossis maxillaris communis.

D.E. Gingivae cum conditis dentium alueolis.

F. Sedes partis relictæ vomeris nasalis exigua et superstes.

G. Fissurae post vulvae locum finis.





